

Decorative blue lines on the left side of the page, consisting of several parallel, slightly curved lines that resemble a stylized graphic element.

# SIARAN AKHBAR

**KEMENTERIAN PERTAHANAN**

**2012**

Decorative blue and red lines on the right side of the page, including a vertical blue line and several parallel, slightly curved lines at the bottom, some in blue and some in red.

## **ISI KANDUNGAN :**

<b>BIL</b>	<b>TARIKH</b>	<b>TAJUK</b>
<b>JANUARI</b>		
1.	16 Januari 2012	Pembetulan Caption Penganugerahan Pingat Sempena Hari Ulang Tahun Keputeraan Sultan Kedah Ke-84
<b>MAC</b>		
2.	22 Mac 2012	Laporan Kebakaran Di Wisma Pertahanan
3.	22 Mac 2012	Lawatan Kerja TYT Ban Ki-Moon, Setiausaha Agung Pertubuhan Bangsa-Bangsa Bersatu Ke Pusat Latihan Pengaman Malaysia
4.	30 Mac 2012	Lawatan Duta/ Pesuruhjaya Tinggi / Atase Pertahanan Ke Pusat Latihan Pengaman Malaysia
<b>JUN</b>		
5.	25 Jun 2012	Bengkel/Forum Kesedaran Rang Undang-Undang Konvensyen Senjata Biologi Dan Toksin (RUU KSBT) 2012
<b>JULAI</b>		
6.	30 Jul 2012	Mesyuarat Majlis Industri Bagi Pertahanan, Penguatkuasaan Dan Keselamatan (MIDES) Bertempat Di Hotel Royale Chulan Kuala Lumpur



Siaran  
**AKHBAR**

UNIT KOMUNIKASI KORPORAT  
KEMENTERIAN PERTAHANAN

KP/UKK/SPM/010/004(01/12)

**PEMBETULAN CAPTION PENGANUGERAHAN PINGAT SEMPENA HARI ULANG  
TAHUN KEPUTERAAN SULTAN KEDAH KE-84**

Merujuk kepada keterangan gambar yang telah disiarkan oleh surat khabar tuan (Berita Harian) pada 16 Januari 2012 (Isnin) muka surat 4 di bawah tajuk "Perpaduan Kunci Kejayaan", sila buat pembetulan/ralat seperti berikut:

.....membawa gelaran Datuk Seri kepada **Panglima Tentera Darat, Jeneral Datuk Hj Zulkifli bin Hj Zainal Abidin.**

**'TRANFORMASI MELALUI INOVASI'**

---

**UNIT KOMUNIKASI KORPORAT**

**KUALA LUMPUR**

**16HB JAN 2012**



Siaran  
**AKHBAR**

UNIT KOMUNIKASI KORPORAT  
KEMENTERIAN PERTAHANAN

**KP/UKK/SPM/010/004(01/03)**

**LAPORAN KEBAKARAN DI WISMA PERTAHANAN**

Unit Komunikasi Korporat, Kementerian Pertahanan mengeluarkan kenyataan berikut:

Kementerian Pertahanan telah mengesahkan telah berlakunya satu kebakaran kecil di salah satu tingkat di Wisma Pertahanan lebih kurang jam 2.39 petang hari ini. Pihak bomba telah bergegas ke tempat kejadian dan telah mengenalpasti punca permasalahan dan telahpun mengambil tindakan sewajarnya. Lanjutan daripada insiden kebakaran ini, warga MINDEF telah diarahkan bersurai selama lebih kurang setengah jam dan telah kembali bekerja sejurus selepas itu. Daripada kebakaran tersebut tiada berlaku sebarang kecederaan atau kerosakan premis.

**'TRANSFORMASI MELALUI INOVASI'**

---

**UNIT KOMUNIKASI KORPORAT**

**MINDEF**

**KUALA LUMPUR**

**22HB MAC 2012 (Dikeluarkan jam 7.30 malam)**



*Siaran*  
**AKHBAR**  
UNIT KOMUNIKASI KORPORAT  
KEMENTERIAN PERTAHANAN

KP/UKK/SPM/03/012

**LAWATAN KERJA TYT BAN KI-MOON, SETIAUSAHA AGUNG PERTUBUHAN  
BANGSA-BANGSA BERSATU KE PUSAT LATIHAN PENGAMAN MALAYSIA**

Unit Komunikasi Korporat Kementerian Pertahanan telah mengeluarkan kenyataan berikut:

Setiausaha Agung Pertubuhan Bangsa-Bangsa Bersatu TYT Ban Ki-moon telah mengadakan Lawatan Kerja ke Malaysia mulai 21 hingga 22 Mac 2012. Antara tempat yang beliau lawati adalah Pusat Latihan Pengaman Malaysia (PLPM).

Dengan cogan kata “**Partnering For Peace**” PLPM telah ditubuhkan pada 1 Januari 1996. Pada peringkat awalnya, nukleus PLPM telah berfungsi di Pusat Peperangan Bersama (PERSAMA), Markas Angkatan Tentera Malaysia Kementerian Pertahanan dan kemudian telah berpindah ke lokasi sementara di Cawangan Pengurusan, Institut Pengurusan Tentera Darat Port Dickson, Negeri Sembilan. PLPM telah berpindah ke kompleks yang baru di lokasi sekarang dan telah dirasmikan oleh Timbalan Perdana Menteri yang juga merupakan Menteri Pertahanan pada ketika itu, iaitu YAB Dato’ Sri Mohd Najib bin Tun Hj Abdul Razak pada 20 Apr 2006.

PLPM adalah sebuah unit Perkhidmatan Bersama ditubuhkan untuk melatih anggota-anggota ATM serta agensi-agensi lain untuk melengkapkan pengetahuan bagi membolehkan mereka bertugas di bawah misi Pengaman PBB sebagai Pemerhati Tentera dan Staf untuk misi-misi Pengaman. Sehingga kini PLPM telah melatih seramai 2276 orang pegawai terdiri daripada 1582 pegawai tentera tempatan, 483 pegawai tentera luar negara, 192 anggota tentera lain-lain pangkat, 16 PDRM dan 3 orang awam dari Bahagian Dasar KEMENTAH.

Sehingga kini PLPM telah menganjurkan 49 Siri Kursus Pemerhati TenteraPBB (UNMOC), 12 Siri Kursus Logistik PBB (UNLOC), 6 Siri Kursus Jurulatih Operasi Pengaman (PKOIC) kerjasama GPOI, 5 Siri Kursus Pegawai Staf PBB (UNSOC) kerjasama GPOI, 6 Siri Kursus Tim Pemantau Antarabangsa (Mindanao) dan 9 Kursus Malaysia Medical Unit.

Bagi menghadapi cabaran penglibatan negara dalam misi-misi pengaman akan datang, beberapa aspek bidang tugas PLPM disarankan untuk diperluaskan skopnya. Tumpuan utama PLPM adalah melaksanakan Kursus Pemerhati Tentera PBB serta Kursus Logistik PBB sejajar dengan keperluan melengkapkan dan meningkatkan keupayaan ATM dalam penugasan misi pengaman di bawah naungan PBB, mahupun Pertubuhan Serantau yang lain seperti NATO, OIC dan sebagainya.

Selain dari lawatan ke PLPM, antara aktiviti sepanjang Lawatan Kerja Setiausaha Agung PBB, TYT Ban Ki-Moon ke Malaysia ialah Kunjungan Hormat kepada Perdana Menteri, lawatan ke *Institute of Diplomacy and Foreign Relations* (IDFR) dan lawatan ke *Institute of Respiratory Medicine* (IRM).

Turut hadir adalah Ketua Setiausaha Kementerian Pertahanan, YBhg Dato' Sri Dr Haji Ismail bin Haji Ahmad, Panglima Tentera Laut, YBhg Laksamana Tan Sri Dato' Sri Abdul Aziz bin Hj Jaafar mewakili Panglima Angkatan Tentera Malaysia, Ketua Staf Angkatan Tentera Malaysia Lt Jen Datuk Raja Mohamed Affandi bin Raja Mohamed Noor dan wakil tetap Malaysia di PBB YBhg Dato' Hussein bin Haniff

---

**KUALA LUMPUR**

22 MAC 2010



Siaran  
**AKHBAR**  
UNIT KOMUNIKASI KORPORAT  
KEMENTERIAN PERTAHANAN

KP/UKK/SPM/03/013

**LAWATAN DUTA/ PESURUHJAYA TINGGI / ATASE PERTAHANAN  
KE PUSAT LATIHAN PENGAMAN MALAYSIA**

Unit Komunikasi Korporat Kementerian Pertahanan telah mengeluarkan kenyataan berikut:

Seramai 20 orang delegasi Duta / Pesuruhjaya Tinggi dan Atase Pertahanan telah mengadakan lawatan "**WALKABOUT**" ke Pusat Latihan Pengaman Malaysia (PLPM) pada 30 Mac 2012.

Antara delegasi yang hadir adalah dari negara Belgium, Chile, United States, Finland, India, Jordan, Mexico, Rusia, Norway, Singapura dan beberapa lagi negara luar. Lawatan ini adalah kerjasama di antara Kementerian Pertahanan dan United Nation Development Programme (UNDP). Kementerian Pertahanan akan diwakili oleh Ketua Setiausaha Kementerian Pertahanan, YBhg Dato' Sri Dr Haji Ismail bin Haji Ahmad sementara UNDP akan diwakili oleh Mr Kamal Malhotra selaku *Resident Coordinator For Malaysia*.

Dengan cogan kata "**Partnering For Peace**" PLPM telah ditubuhkan pada 1 Januari 1996. Pada peringkat awalnya, nukleus PLPM telah berfungsi di Pusat Peperangan Bersama (PERSAMA), Markas Angkatan Tentera Malaysia Kementerian Pertahanan dan kemudian telah berpindah ke lokasi sementara di Cawangan Pengurusan, Institut Pengurusan Tentera Darat Port Dickson, Negeri Sembilan. PLPM telah berpindah ke kompleks yang baru di lokasi sekarang dan telah dirasmikan oleh Timbalan Perdana Menteri yang juga merupakan Menteri Pertahanan pada ketika itu, iaitu YAB Dato' Sri Mohd Najib bin Tun Hj Abdul Razak pada 20 Apr 2006.

PLPM adalah sebuah unit Perkhidmatan Bersama ditubuhkan untuk melatih anggota-anggota ATM serta agensi-agensi lain untuk melengkapkan pengetahuan bagi membolehkan mereka bertugas di bawah misi Pengaman PBB sebagai Pemerhati Tentera dan Staf untuk misi-misi Pengaman. Sehingga kini PLPM telah melatih seramai 2276 orang pegawai terdiri daripada 1582 pegawai tentera tempatan, 483 pegawai tentera luar negara, 192 anggota tentera lain-lain pangkat, 16 PDRM dan 3 orang awam dari Bahagian Dasar KEMENTAH.

Sehingga kini PLPM telah menganjurkan 49 Siri Kursus Pemerhati TenteraPBB (UNMOC), 12 Siri Kursus Logistik PBB (UNLOC), 6 Siri Kursus Jurulatih Operasi Pengaman (PKOIC) kerjasama GPOI, 5 Siri Kursus Pegawai Staf PBB (UNSOC) kerjasama GPOI, 6 Siri Kursus Tim Pemantau Antarabangsa (Mindanao) dan 9 Kursus Malaysia Medical Unit.

Bagi menghadapi cabaran penglibatan negara dalam misi-misi pengaman akan datang, beberapa aspek bidang tugas PLPM disarankan untuk diperluaskan skopnya. Tumpuan utama PLPM adalah melaksanakan Kursus Pemerhati Tentera PBB serta Kursus Logistik PBB sejajar dengan keperluan melengkapkan dan meningkatkan keupayaan ATM dalam penugasan misi pengaman di bawah naungan PBB, mahupun Pertubuhan Serantau yang lain seperti NATO, OIC dan sebagainya.

Turut hadir Ketua Staf Angkatan Tentera Malaysia Lt Jen Datuk Raja Mohamed Affandi bin Raja Mohamed Noor dan wakil tetap Malaysia di PBB YBhg Dato' Hussein bin Haniff

---

**KUALA LUMPUR**

30 MAC 2010





*Siaran*  
**AKHBAR**  
UNIT KOMUNIKASI KORPORAT  
KEMENTERIAN PERTAHANAN

KP/UKK/SPM/010/004 – (1/6)

**BENGGEL/FORUM KESEDARAN RANG UNDANG-UNDANG KONVENSYEN  
SENJATA BIOLOGI DAN TOKSIN (RUU KSBT) 2012**

Unit Komunikasi Korporat Kementerian Pertahanan telah mengeluarkan kenyataan berikut:

Seramai 258 orang peserta hadir dalam Bengkel/Forum Kesedaran Rang Undang-Undang Konvensyen Senjata Biologi dan Toksin (RUU KSBT) 2012 bertempat di Auditorium Blok A, Kompleks Induk STRIDE Kementerian Pertahanan, Taman Bukit Mewah Fasa 9, 43000 Kajang Selangor.

Draf Rang Undang-Undang ini telah digubal bersama dengan wakil dari Jabatan Peguam Negara, Bahagian Dasar dan Perancangan Strategik MinDef, Bahagian Undang-Undang MinDef serta pakar-pakar dari beberapa Kementerian dan agensi kerajaan yang berkaitan seperti Kementerian Kesihatan, Kementerian Luar Negeri, Kementerian Pertanian dan Industri Asas Tani, Kementerian Sains, Teknologi dan Inovasi, Kementerian Perdagangan Antarabangsa dan Industri, Majlis Keselamatan Negara dan Polis Diraja Malaysia (PDRM).

Penyediaan RUU KSBT adalah bertujuan untuk memenuhi obligasi negara dalam mengimplementasikan Konvensyen Senjata Biologi dan Toksin, mengawal dengan lebih ketat aktiviti yang melibatkan agen biologi dan toksin merbahaya di kawasan-kawasan yang terdedah, mencegah daripada berlakunya insiden pembebasan agen biologi dan toksin merbahaya secara sengaja atau tidak sengaja, mencegah pembangunan dan penghasilan senjata biologi dan memantau penyelidikan berteknologi dwi-fungsi.

Sebanyak 10 Kertas Kerja yang akan dibentangkan iaitu:

1. **Kesan Senjata Biologi dan Toksin ke atas Manusia** akan disampaikan oleh YBhg Leftenan Jeneral Dato' Pahlawan Dr. Haji Abd Razak bin Md Yusoff, Ketua Pengarah Perkhidmatan Kesihatan, Markas Angkatan Tentera Malaysia.
2. **Kesan Ancaman Agen Biologi dan Toksin Terhadap Haiwan serta Ekonomi Negara** akan disampaikan oleh Jabatan Perkhidmatan Veterinar, Kementerian Pertanian dan Industri Asas Tani.
3. **Kesan Ancaman Agen Biologi dan Toksin Terhadap Tanaman/Biodiversiti Tumbuhan serta Ekonomi Negara** akan disampaikan oleh Jabatan Pertanian, Kementerian Pertanian dan Industri Asas Tani.

4. **Kesan Ancaman Agen Biologi dan Toksin Terhadap Haiwan Akuatik serta Ekonomi Negara** akan dibentangkan oleh Jabatan Perikanan, Kementerian Pertanian dan Industri Asas Tani.
5. **Ancaman Semasa dan Bencana Serangan Biologi dan Toksin dari Perspektif Keselamatan Negara** akan dibentangkan oleh Majlis Keselamatan Negara, Jabatan Perdana Menteri.
6. **Kerjasama Perisikan Berkaitan Biologi dan Toksin di Peringkat Antarabangsa** akan disampaikan oleh YBhg Leftenan Jeneral Dato' Abdul Hadi bin Haji Hussin, Ketua Pengarah Perisikan Pertahanan, Bahagian Staf Perisikan, Markas Angkatan Tentera Malaysia.
7. **Dasar Negara dan Konvensyen Senjata Biologi dan Toksin** akan disampaikan oleh YBhg Datuk Dr. Ismail bin Haji Bakar, Timbalan Setiausaha (Dasar) Kementerian Pertahanan.
8. **Konvensyen Senjata dan Toksin dari Perspektif Perundangan** akan dibentangkan oleh Bahagian Hal Ehwal Antarabangsa, Jabatan Peguam Negara.
9. **Kerjasama Teknikal dengan Negara Luar dalam Melaksanakan Pematuhan Terhadap Konvensyen Senjata Biologi dan Toksin** akan disampaikan oleh YBhg Datuk Dr. Abdul Ghaffar Ramli, Ketua Pengarah STRIDE.
10. **Cadangan Perlaksanaan Rang Undang-Undang Konvensyen Senjata Biologi dan Toksin 2012** akan disampaikan oleh YBhg Datuk Dr. Abdul Ghaffar Ramli, Ketua Pengarah STRIDE.
11. **Rumusan Terhadap Draf Rang Undang-Undang Konvensyen Senjata Biologi dan Toksin 2012** akan disampaikan oleh YBhg Jeneral Tan Sri Dato' Sri Zulkifeli bin Mohd Zin, panglima angkatan Tentera Malaysia, Markas Angkatan Tentera Malaysia.

Turut hadir YB Menteri Pertahanan Malaysia selaku Moderator dan Ahli-ahli Panel terdiri daripada Ketua Setiausaha Kementerian Pertahanan, Ketua Pengarah Kesihatan Kementerian Kesihatan, Ketua Bahagian Hal Ehwal Antarabangsa Jabatan Peguam Negara, Setiausaha Majlis Keselamatan Negara, Ketua Pengarah Jabatan Perkhidmatan Veterinar, Ketua Pengarah Jabatan Pertanian, Ketua Pengarah Jabatan Perikanan dan Setiausaha Bahagian, Bahagian Keselamatan Pelbagai Hala Kementerian Luar Negara.

---

**KUALA LUMPUR**

25 JUN 2012



# *Siaran* **AKHIBAR**

UNIT KOMUNIKASI KORPORAT  
KEMENTERIAN PERTAHANAN

KP/UKK/SPM/010/004(01/08 )

## **MESYUARAT MAJLIS INDUSTRI BAGI PERTAHANAN, PENGUATKUASAAN DAN KESELAMATAN (MIDES) BERTEMPAT DI HOTEL ROYALE CHULAN KUALA LUMPUR**

Unit Komunikasi Korporat Kementerian Pertahanan telah mengeluarkan kenyataan berikut:

Mesyuarat Majlis Industri bagi Pertahanan, Penguatkuasaan dan Keselamatan telah diadakan dengan jayanya pada 30 Julai 2012 bertempat di Hotel Royale Chulan Kuala Lumpur. Mesyuarat ini, yang dipengerusikan oleh Y.B. Dato' Seri Dr. Ahmad Zahid Hamidi, Menteri Pertahanan menyaksikan penglibatan aktif daripada agensi-agensi keselamatan, penguatkuasaan dan pertahanan dan juga pemain-pemain industri pertahanan tempatan seperti DRB Hicom Sdn Bhd, Composites Tehnologies Research Malaysia Sdn Bhd, dan Sapura Secured Technologies Sdn Bhd.

Mesyuarat ini membincangkan tentang langkah-langkah bagi membantu dalam pembangunan industri pertahanan tempatan yang seterusnya akan menyumbang dalam pemantapan kesiapsiagaan dan keupayaan bukan sahaja Angkatan Tentera Malaysia, tetapi MIDES merangkumi semua sektor pertahanan, penguatkuasaan dan keselamatan termasuk Polis Diraja Malaysia, Jabatan Bomba dan Penyelamat Malaysia, Jabatan Pertahanan Awam dan lain-lain. MIDES mengambil pendekatan secara bersepadu dan holistic bagi menggabung tenaga, kepakaran dan pengalaman sektor keselamatan, sektor ekonomi dan pemain-pemain industri pertahanan. Kerajaan akan terus menyokong usaha untuk terus memajukan dan memantapkan industri pertahanan tempatan kerana agenda pertahanan, penguatkuasaan dan keselamatan akan terus menjadi keutamaan.

Antara usaha yang dijalankan oleh MIDES bagi mengerakkan dan merancang penglibatan pemain industri pertahanan tempatan di peringkat global ialah mengadakan kerjasama strategik dengan agensi-agensi kerajaan seperti MATRADE dan MIDA bagi

membantu ahli-ahli MIDES memperluaskan perniagaan ke peringkat antarabangsa. MIDES juga mahu terlibat secara aktif di dalam ASEAN Defence Industry Collaboration yang merupakan satu platform multilateral di peringkat ASEAN yang memberi tumpuan khusus kepada industri pertahanan. Kerjasama tersebut dapat membawa kemajuan dan perkembangan industri pertahanan tempatan ke peringkat yang lebih tinggi melalui perkongsian teknologi dan pertukaran kepakaran. Selain itu, penubuhan taman teknologi *Malaysian Defence and Science and Technology Park* (MDSTP) merupakan salah satu usaha Kementerian Pertahanan dalam memajukan serta memberi tumpuan yang khusus terhadap pembangunan produk pertahanan tempatan.

Mesyuarat MIDES yang seterusnya dijangka diadakan pada hujung tahun 2012 dan penglibatan daripada sektor swasta dijangka meningkat berikutan sambutan yang baik terhadap usaha kerajaan membangunkan industri pertahanan.

---

**KUALA LUMPUR**  
30 JUL 2012